

U G O V O R
O KUPOPRODAJI KANCELARIJSKOG MATERIJALA

Zaključen u Sarajevu, između:

UGOVORNIH STRANA:

AGENCIJE ZA RAD I ZAPOŠLJAVANJE BOSNE I HERCEGOVINE, ul. Đoke Mazalića 3/1, 71000 Sarajevo, koju zastupa mr. Vedad Hindija, v.d. direktora,(u daljem tekstu: Kupac),
i
R&S d.o.o. Sarajevo, ul. Igmanska bb, Vogošća, koje zastupa direktor Kemal Selmanagić (u daljem tekstu: Prodavac).

I Predmet ugovora:

Član 1.

Predmet ovog ugovora je kupoprodaja kancelarijskog materijala za potrebe Kupca za budžetsku 2023. godinu.

Član 2.

Kupac i Prodavac su saglasni da ovaj ugovor realizuju prema definisanim uslovima u direktnom postupku javne nabavke roba, prema ponudi Prodavca broj: 12031/23 od 12.04.2023. godine. Specifikacija kancelarijskog materijala je sastavni dio ovog ugovora.

II Cijena:

Član 3.

Ukupna cijena iznosi 3.265,92 KM bez PDV-a, odnosno 3.821,13 KM sa uključenim PDV-om.

III Način isporuke:

Član 4.

Prodavac se obavezuje da će u skladu sa članom 2. ovog ugovora isporučiti robu Kupcu, na adresu Kupca (fco Kupac).

Prodavac se obavezuje dostaviti Kupcu robu kvalitete, u skladu sa tenderskom dokumentacijom u traženim količinama, narednog dana od dana dostavljanja pismene narudžbenice.

Član 5.

Kvantitativni i kvalitativni prijem robe izvršiće Komisija formirana od strane Kupca.

IV Način plaćanja:

Član 6.

Plaćanje fakture za isporučenu robu, Kupac će vršiti u roku od 30 dana od dana prijema fakture i uredno izvršene isporuke, na žiro račun prodavca: 3060340000514829 kod Addiko bank dd.

Član 7.

Prodavac nema pravo da zapošljava, u svrhu izvršenja ugovora o javnoj nabavci, lica koja su učestvovala u pripremi tenderske dokumentacije ili su bila u svojstvu člana ili eksperta Komisije za nabavke, najmanje šest mjeseci po zaključenju ovog ugovora.

V Završne odredbe:

Član 8.

Ugovorne strane mogu ovaj ugovor raskinuti i prije njegovog isteka, ukoliko se jedna od strana ne bude pridržavala odredaba ovog ugovora ili ukoliko kvalitet dostavljene robe ne zadovoljava, uz prethodno izmirenje svih obaveza po isporučenim količinama.

Član 9.

Otkazni rok po ovom ugovoru je 5 (pet) dana, a po isteku ovog roka Ugovor se smatra raskinutim.

Član 10.


Obje ugovorne strane su saglasne da će se pridržavati zakonskih propisa, da će čuvati poslovnu tajnu i pridržavati se poslovnih običaja.

Član 11.

Eventualne sporove nastale pri realizaciji ovog ugovora, ugovorne strane će nastojati riješiti sporazumno, a ukoliko to nije moguće nadležan je Sud Bosne i Hercegovine.

Član 12.

Ovaj ugovor je sačinjen u 4 (četiri) istovjetna primjerka, od kojih po 2 (dva) zadržava svaka od ugovornih strana.

Kupac:
Agencija za rad i zapošljavanje
Bosne i Hercegovine

V.D. Direktora, mr. Vedad Hindija

Broj: 06-16-7-14-10/23
Sarajevo, 19.04.2023.

Prodavac:
"R&S" d.o.o. Sarajevo

Direktor, Kemal Selmanagic

Broj: 292/2023
Sarajevo, 25.04.2023.